



1. Տխրել էր հոգիս ամայության մեջ,
Արցունքս էր իջնում անվերջ ու անվերջ,
Մի սպիտակ ձեռք ինձ լուռ մոտեցավ,
Սրբեց աչքերս և ուրախացավ: (2)

«Գտնվեցիր դու, կորած իմ գառնուկ,
Փնտրում էի ես քեզ վաղուց, շատ վաղուց,
Կտամ ես քեզ տուն և ուրախություն,
Որ չես ունեցել նույնիսկ դու մանկուց»:

2. Աչքերս բացեցի, տեսա Յիսուսին,
Տեսա Աստծո Գառնին ու Լույսին,
Սուրբ Հոգին տիրեց, խավարը անցավ,
Գիշերվա մութը իսպառ վերացավ: (2)

3. Երգը շուրթերիս ելա Գողգոթա,
Այնտեղ Յիսուսով փրկություն գտա,
Խաչի վրայից շշնջաց սիրով.
«Մեռա քեզ համար, ապրիր ապահով»: (2)

4. Ես թոթափեցի իմ վերջին բեռը,
Պարտվեց այնտեղ չար անօրենը,
Երգեցի օրհներգ իր մեծ հաղթության,
Հաղթանակ տարա արյունով Գառան: (2)